



**Eminentissimi Ac Reverendissimi Domini, D. Joannis
Baptistæ, Cardinalis De Luca, Theatrum Veritatis Et
Justitiae, Sive Decisivi Discursus**

Ad Veritatem Editi In Forensibus Controversiis, Canonicis & Civilibus, in
quibus in Urbe Advocatus, pro una partium scripsit, vel Consultus
respondit ; Cum Indicibus Argumentorum, Causarum ac Rerum
luculentissimis. Opus Tam Judicibus, Quam Causarum Patronis, atque
omnibus in utroque Foro ...

Tractatus Primi Pars I. de Usuris, & interesse, Pars II. de Cambiis, Pars III.
de Censibus, Pars IV. de Societatibus Officiorum

**Luca, Giovanni Battista de
Coloniae Agrippinae, 1691**

Disc. IX. Romana pecuniaria seù census vitalitii. De validitate vel
invaliditate census vitalitii ob defectum fundi capacis; Et an hujusmodi
census subjaceat Bullæ Pii V. super necessitate fundi ...

[urn:nbn:de:hbz:466:1-74112](https://nbn-resolving.de/urn:nbn:de:hbz:466:1-74112)

DISCURSUS V.

17

ditatis contractus inter debitorem & creditorem, præsertim vero ad effectum cursus fructuum durante emphyteusi, cum tunc secluso jure & interesse domini, ex eorumdem auctorum sensu nil obstat videatur dicti actus validitat i quoad ipsas partes, inter quas solum, finitis generationibus, atque facto casu devolutionis, oriens posset quæstio, quam usque adhuc occasio disputandam non dedit. An scilicet resoluto contractu ex deficiencia fundi, debitor liberationem consequatur, vel potius creditor ius compereat rependi forte, unde quicquid sit de isto casu in ejus contingentia disputabili, cum in hac facti specie concessio duraret, non videbatur exceptio apta impeditre assequitionem fructuum quibus tantum erat quæstio.

Et quidem satis rari casus sunt, in quibus non data infectione debiti in sorte principali, sive non docto in continentia de tanta illicitorum fructuum solutione, quod eamdem sortem consumperint, per exemptionem invaliditatis contractus census invaliditatem impediatur processus exequutivus super assequitione fructuum, quoniam semper creditor allegare potest dilemma, quod aut opposita exceptione obstante contractus est validus, & fructum solario denegari non potest. Aut exceptione subsistente est invalidus, & denegari non potest restitutio sortis, quam debitori potius expedit ita diminutum peti & respectivè solvi. Igitur semper debitor tenetur ad solutionem ex eventu causa declarandam, an in sortem vel in fructus solario cedere debeat, & ita pluries ac pluries practicavi in Tribunal A. C. & in Signatura justitiae.

Clariss vero in hac facti specie, Tum quia in contractu census, expressa quidem fuit qualitas emphyteutica in genere, sed non explicatum, an illa esset temporalis vel perpetua, & an ex pacto, vel mere hereditaria, unde non docto in creditore de explicita scientia omnium hujusmodi qualitatum & prohibitionum, ex quibus nullitas actus resultat, contraria debitorem respondendum venit, saltem ad dictam obligationem praestandi fructus loco dannorum & interesse, cum delictum ex ejus parte inesse dicatur imponendo census super re, super quam facultatem non habebat. Ideoque cum delicta in dubio presumenda non sint, recte creditor dicere potest se bona fide credidisse, quod debitor sufficientem facultatem habuisset, quodque emphyteus esset talis, ut actus validitati non obstatet. Ad instar eorum, quæ habemus in contractu emptionis & venditionis, quod venditor imputandum est, cur rei vendita defectus non bene expresserit, atque ad speciem non deduxerit, sed tantum sub involucre & verbis generalibus & equivocis aptis continere talem qualitatem, quæ defectum excludat, ut in sua materia sub tit. de empi. & vend. ac est in jure notorium.

Tum certius ex iis, quæ longè post istam causam disputatam in proposito hujusmodi bonorum emphyteuticorum Abbatia Farfen deducta fuerunt ad declarationem dicta decisi. 86. pars. 5. rec. quod scilicet cum Ecclesia finitis generationibus non possit hæc bona pro se retinere, sed de necessitate teneatur renovare ultimi possessori successoribus, etiam ad comodum creditorum. Hinc proinde, ex consuetudine introducta à necessitate commercii, bona praedita quamvis concessa in forma pacti & providentiae, ad instar allodialium redacta sunt, dum eorumdem bonorum libera reversio ad dominum in praedita decisi. 86. firmata, respicias solum ejus cautelam & potioritatem pro assequitione

Card. de Luce de Censibus. Pars III.

laudemii seu caposoldi pro nova concessione, ut laius in d. Farfen. sub titulo de emphyteuti. dis. 8. Atque hinc sequitur id nil obstat perpetua impositioni censum durare debentum etiam post factum casum devolutionis, pro ea rata, pro qua salvo jure dominii laudemio seu caposoldo, remaneat capax, ita præsertim communis observantia docente. Ideoque nisi juxta consilium reus convenus le concordaverit, credo quod contra eum, & justè judicatum fuerit.

ROMANA

PECUNIARIA

S E U

CENSUS VITALITII

P R O

SEBASTIANO ANTINORO

C U M

CREDITORIBUS CARDINALIS

BURGHESII JUNIORIS.

*Casus disputatus coram A. C. incertus est
exitus, credo per concordiam.*

De validitate vel invaliditate census vitalitii ob defectum fundi capacis, Et an hujusmodi census subjaceat Bullæ Pii V. super necessitate fundi fructiferi, & capacis, vel dari possit personalis.

An per mortem creditoris fiat locus lucro sortis principalis, ubi debitor ex parte sua non implevit promissa, vel potius ex capite non implementi cesset lucrum; Et de aliis ad materiam census vitalitii.

S V M M A R I V M.

¹ F *Acti series.*

² *Census vitalitio nulliter creato non lucratur debitor sortem per mortem creditoris.*

³ *Idem de censu vitalitio facto ad favorem reli- giosi.*

⁴ *Item non est locus lucro, si debitor non implevit contractum.*

⁵ *Census vitalitius an requirat fundum, vel possit esse personalis de utraque opinione.*

⁶ *Ubi etiam fieri posset personalis, si partes voluerint illum facere realem super fundo, isto cessante corruit.*

⁷ *De ratione, ob quam in societate officii debitor, qui non implevit promissa, non faciat lucrum; Et quid in hoc censu.*

⁸ *In censu vitalitio fors est demortua, & per debito rem restituiri non potest invito creditore, & quid de pacto recessorio.*

⁹ *In contractibus nominatis, non implementum non causat resolutionem, sed solum actionem ad interest.*

B 3

10 Quanda

- 10 Quando creditor non excusatetur à restitutione pecunia consumpta.
- 11 Sicensus vitalitius est nullus ex culpa debitoris, an debeantur fructus loco dannorum & interesse ad eandem rationem.
- 12 Restitutio sortis facta per debitorem de mandato judicis loco implementi non causat extinctionem census.

DISC. IX.

E anno 1637. Cardinalis Petrus Maria Burghesius Senensis, quem ex motivo gratitudinis erga memoriam Pauli V. ac pro restituione Cardinalitii galéri ab eo accepti, Urban. VIII. tanquam de dicti Pontificis familia, nulla tamen ut remota nimis coniunctione accidente, evexit ad Cardinalitiam dignitatem, imposuit annum censum vitalitium scutorum 800. ad favorem Marci Antonii Scalati ad istius vitam pro forte principali scut. 8. m. habitorum in pecunia numerata in ipso actu celebrationis instrumenti, quem censum imposuit super quibusdam bonis, quae in Civitate Senarum possidere afferuit, libera, fructifera & capacia dicti anni redditus, ac majoris, & sub pačto, ut contingente morte ipsius Cardinalis, ejus hæredes idoneum fidejussionem in Urbe præstare tenerentur. Sequuta vero illincad breve tempus morte Cardinalis prædicti, Scarlatus egit contrà hæredes coram A. C. pro præstatione fidejussionis, ac alijs loco dannorum & interesse sibi concedi mandatum, quod obtinuit pro restituzione sortis, quam prindè dicti hæredes illi solveunt cum obligatione de restituendo anterioribus, & posterioribus & ad omne mandatum &c. Unde sequuta etiam dicti Scarlati morre, posteriores ejusdem Cardinalis creditoris, qui ob bonorum insufficientiam in numero & respectivè quantitate notabili exclusi remanserant in concursu, judicium instituerunt coram A. C. contra Antinorum Scarlati hæredem pro restituzione d. d. scutorum 8. m. ex motivo lucri sortis ad favorem hæreditatis debitoris facti juxta naturam census vitalitii. Atque assumpta desuper disputatio.

Scribens pro Antinoro reo convento, more Advocati dicebam, actorum prætensionem fundari in sola ratione lucri sortis prædicta cui dupliciter locus non erat, Primò ob dicti census nullitatem, qua posita resultat non posse ex parte debitoris prætendi luorum sortis, quia cum non entis nullæ sint partes, atque quod nullum est, nullum possit effectum operari; Hinc sequitur, ut sublato de medio contractu prædicto pecunia sub ejus nomine debitori data, remaneat sub mutuo vero vel interpretativo, seu verius avocabilis ex conditione sine causa, ut in specialibus terminis pecuniae date ad censem 3 vitalitium per Religiosum non habentem ad facultatem, ut non obstante istius morte, debitor acceptam pecuniam restituere teneatur monasterio ob contractus nullitatem firmavit Rota in Romana censum 27. Maii 1652. coram Bichio impress. dec. 253 par. 11. rec. confirmata 28. Aprilis 1654. coram Bevilagna.

Secundò ex capite non implementi, cum sequuta morte Cardinalis, hæres non præstitisset fidejussionem juxta formam conventionis, ideoque 4 non poterat ex contractu non adimpleto reportare lucrum, ex iis, quae in terminis Societatis officii ha-

bentur dec. 54. nro. 2. par. 4. rec. tom. 3. ubi latè Adden. nu. 23. cum sequen. Pisauren. Societatis officii 30. Maii 1639. coram Rojas inter suas dec. 64. Et sapientius, ut habeatur in sua materia sub tit. de Societate officii.

Nullitas autem deducebatur ex defectu fundi liberis, fructiferis & capacis, quoniam in facto verificabatur, bona super quibus tanquam talibus debitor professus erat censum imponere, esse fidei commissaria, ita ut sequuta ejusdem debitoris morte, adhibitus ex aetiis diligentiis per alios credidores nil repertum fuerit de bonis ejus liberis; Quinimò cesante vinculo, adhuc eo vivente nec erant dicti oneris capacia ob longem minorem fructum.

Et quamvis scribentes in contrarium fatis insisterent, quod in calvo vitalitio istud requisitum non esset necessarium, cum ille non cadat sub Constitutione Pii V. neque videatur prohibitum eum esse personalem, ut in specie censuit Rota dec. 514. post Cenc. de Censi. ac tenent plures relati per Leotar. de usuria quæst. 49. ex numer. 23. Atque mihi reflectenti ad veritatem ista opinio probabilis videretur, quoniam non videtur quid prohibeat dare uni mille sub incerta alea præstandi ejusdem sortis partem singulis annis, cum in effectu, fructus qui percipitur ex juribus vitalitii, quamvis pro nostro loquendi usu nuncupetur talis, revera non sit accessio neque fructus, sed potius distributa exactio sortis sub incerto eventu, cum fructus dicatur ille, qui percipitur salva rei substantia, ex iis, quae in proprio officiorum vel locorum Montium vacabilium habentur deducita ad illorum materiam sub tit. de Regalibus, Nihilominus, quod etiam in hoc censu vitalitio servari debeat Bulla Piana, ita ut pernecesse requiratur fundus fructifer & capax, & non detur census personalis, ceteris deductis probare conatur Leotar. dicta quæst. 49. nro. 28. cum sequen. ubi nro. 33. responderet in specie ad dictam decisionem 514. post Cenc. atque eadem Rota recedendo a priori sensu Leotardi opinionem canonizavit in Romana vinea ad responsum 28. Junii 1649. coram Arguello, ideoque dicebam in curia hanc postremam Rotæ opinionem tenendam esse.

Et ulterius quidquid esset de veritate dicti articuli in abstracto, in quo, ut dictum est, plus placebat prima opinio, cum revera iste non sit contrarius census, sed quædam commutatio periculi absque eo quod pecunia data sit unquam repetibilis, ita ut non intrent termini text. in cap. naviganti cum similibus, Attamen difficultatem cessare dicebam ex facto, in quo, juxta instrumenti contextum, clara constabat de voluntate partium faciendi censum realem super fundo fructifero libero, & capaci, ideoque intrabat regula, quod potui nolui &c. Qui enim potest facere actum duplici modo, si unum ex illis eligat, servare debet illius formam, alijs est nullus; neque substantia potest alio modo valido tanquam per partes nolito Coarct. de Sponsal. par. 1. cap. 2. n. 2. & 3. Caput q. dec. 23 par. 1. & cum ista circumstantia credebam, etiam in sensu veritatis, dictum defactum fundi obstat validitatē actus.

Circa vero alterum fundamentum, ut posito etiam censu valido, impeditum esset lucrum ob non implementum, ex iis quae habemus in terminis Societatis officii, Quamvis scribentes in contrarium nullam deducerent relevantem responsum, Nihilominus dubitabam de motivo illudque minus tutum omnino credebam, quoniam licet in societate officii plures decisiones, remanendo in superficie, predicta conclusionis ratione assignent illam deductam ex regula generali, quod nemo reportare debet lucrum.

erum ex contractu non adimplero, attamen haec videtur nimis vaga, & levis ratio, quæ sola ex pluribus ad id non sufficeret, sed vera & solida ratio est altera, quod cum contractus societatis sit ad libitum cuiuslibet ex sociis dissolubilis, Hinc proinde eo ipso quod socius passivus non adimpleret, praesumitur in socio activo, voluntas non permanendi in societate sub illius implemienti conditione inita, unde propterea si pro semestri vel alio termino socius activus fructus in toto vel in parte percipit, tunc contingente casu periculi fit locus lucro, ex ea ratione, quod per receptionem fructuum declaravit animum diversum ab eo, quem lex praesumit, ergo ista est vera ratio, non altera, qua attenta debitor, qui non implevit, non deberet facere lucrum, quamvis fructus illius termini in toto vel in parte soluti esent, quia semper eadem ratio urgeret, ac etiam urgentia alia deducita super hoc punto in sua materia sub tit. de societ. off.

Hac autem ratio adaptabilis non est huic contractui, cujus præcism ac essentiale requisitum est, ut foro omnino demorta sit, ac omnino irrepetibilis, etiam ex parte debitoris creditore invito, ut plenè probat Leotar. dicta quæst. 49. quidquid circa validitatem partis rescissoriis quando fructus non excedit decem pro centenario ex Megal. & alius dicit Rovit. super pragm. 2. de cens. in fine, & sic cadere non potest illa præsumpta voluntas, quæ nullius est operationis, ubi data etiam expressa non esset operativa, sed potius intrare videtur regula juxta magis communem & receptam opinionem, quam sequitur Rota & Curia, ut in contrahibus nominatis, vel qui eorum speciem seu naturam habent, non implementum non importet præsentiam seu resolutionem actus, sed solum producat actionem ad intereste, nisi constet implementum prædictum adjectum esse tanquam causam præcisam & finalē sapientem conditionem, sine qua non, proindeque excludenter voluntatem ab initio, ex deductis per Greg. & adden. dec. 88. & passim, ac sapienter habetur in sua materia sub tit. de contract. ac sub altero de credito.

Deducebam quoque tanquam Advocatus, difficultatem removeri ex facto, ex quo omnes dictæ quæstiones inanes remanebant, dum hæres debitoris pulsatus ad præstandum fidejussorem juxta formam conventionis, voluntariè censum extinxerat, ac fortem restituerat, unde propterea sublatus erat de medio contractus censualis, quem non dubitatur tolli per extinctionem sequutam cum actu retrosimili; Verum erat debile ac minus tutum fundamentum, quoniam quidquid sit, an de reciproco consensu hujusmodi contractus dissolvit posse mediante integra restitutione pecuniae ad hunc effectum data & respectivè accepta, postquam præfertim notabiliter tempore solitus est fructus excessivus censui perpetuo incongruus, atque ex sola ratione periculi & totalis amissionis tortis tolerabilis, que tamen dubitandi ratio in præsenti cessabat, dum fructus ad rationem decem pro centenario dici non poterat excessivus & censui perpetuo incongruus, dum per Bullam Nicolai V. usque ad dictam summam substatinetur, & ex qua ratione Rovit. loco cit. credit etiam in hac censu specie, quies fructus non excedit decem pro centenario, substantieri posse pacta rescissoria, quæ ipse dicit in censibus perpetuis in eo Regno esse in viridi observantia.

Cessare videbatur motivum ex defectu potestatis in hærede patrimonii, quod detectum est non idoneum, id agendi in præjudicium creditorum,

potissimum quia non poterat iste creditor allegare bonam fidem, sub qua, ex recepta æquitate originata à facilitate commercii creditor effugit restitutio nem pecuniae consumptæ vel commixtæ. Tum quia id non procedit in pecunia soluta per hæredem mortuo debitorem, ut non semel in sua materia sub tit. de credito, Tum etiam stante obligatio ne facta de restituendo prioribus & posterioribus, ac ad omne mandatum, &c. quod facit pecuniam semper extare, dum dicta ultima præser tam clausula, ad omne mandatum operari dicitur creditorem se obligasse ad restitutio nem in quemcumque casum, in quem illa de jure facienda esset; Et sic in substantia aliud non aderat solidum fundamen tum pro effugienda dicta ammissione fortis, nisi illud invaliditatis contractus ex defectu fundi, tam ex dispositione juris juxta unam opinionem, quam fortius ex voluntate parvum ut supra.

Verum posita etiam dicti motivi subsistens, adhuc gravis oriebatur difficultas circa restitutio nem vel imputationem fructuum, qui cessante periculo exigiri non possunt, ut in his specialibus terminis censu vitaliti invalidi censuit Rota in allegata Romana Censu coram Bichio, & Bevilacqua.

Pro hujusmodi difficultate evitanda, dicebam, quod licet posita census nullitate, præsertim ex defectu fundi, non debeantur fructus tanquam fructus fundi, adhuc tamen quando nullitas est culposa ex parte debitoris falsò afferentis fundi libertatem & capacitatem, atque creditor est in bona fide, defectus postea oerecti ab initio non conscient, tunc ad eandem rationem debentur fructus tanquam damna & intereste, ut decis. 549. num. 4. cum sequen. past. Cenc. & sp. in hoc tit. pluris. Verum adhuc dubitabam incongruum videri prætendere velle hujusmodi damna & intereste ad eam excessivam rationem, quæ ex sola ratione periculi percipi consuevit, ac potius illud, ex iis, quæ habentur apud aliquos de Societ. offici, (licet in illis terminis eorum opinio non sit recepta pro Judicis arbitrio) taxandum videtur ad quamdam moderatam rationem fructuum locorum montium, seu alterius honesti fructus in loco currentis & de facilis percipiendi, atque ex ista ratione consului clienti, ut aliquam pecuniarum partem concorditer restitueret, & ita de reliquo se tutum redderet, ut puto sequutum.

Aliqui scribentes pro hac eadem parte, satis ac toti insistentes in dicto motivo ex extinctionis jam sequutâ per actum retrosimilem restitutio nis fortis, dicebant non obstat difficultate resultantem à defectu potestatis hæredis, dum id voluntariè non egredit, sed de mandato judicis & viribus Prætura compulsa, sed erat nimis debile fundamentum, quoniam licet detrecto fundo minus libero vel minus capaci, seu in cau non præstiti fidejussoris vel cedula bancariz conventæ seu alterius consimilis implementi creditor census jus habeat agendi contrâ debitorem ad sortem juxta decis. 88. Gregor. & passim, attamen id non procedit ad effectum repetibilitatis ac juris cogendi invitum debitorem ad extinctionem, sed ad solum effectum deponendi loco cautionis, & ut vel debitor ita rædo affectus adimpleat, vel ea pecunia investiatur in acquisitionem fundi liberi & capacis, & sic dici non poterat extinctionem factam esse de judicis mandato.